



Itophiyu Malaatu Afoo

Rosiisaanote Biddissa

Umi Kifile

Diizayinachch:

- ◆ Siisaayi Taagassa Buusooro



Itophiyu Federaalitte Dimokiraasitte Rippaabilike Mangiste Rosu Ministere

Furcho

Bitima		iii
Fooliishsho Mite	Egennama	1
Fooliishsho Lame	Bisu kifilla	3
Fooliishsho Sase	Godole	5
Fooliishsho Shoole	Maate	7
Fooliishsho Onte	Sagalenna Agatto	9
Fooliishsho Lee	Techo Barru Maati	11
Fooliishsho Lamala	Qubbichu Fidalla	13
Fooliishsho Sette	Daftarra'ya	15
Fooliishsho Honse	Baxeemmohu Gati kaashshi	17
Fooliishsho Tone	Duumu Ogori'ya	19
Fooliishsho Tonnaa Mite	Saada Bada	21
Fooliishsho Tonnaa Lame	Konne Maati Yinanni?	23
Fooliishsho Tonnaa Sase	Ogimmanna Ogeeyye	25
Fooliishsho Tonnaa Shoole	Ani Baxeemmori	27
Fooliishsho Tonnaa Onte	Rosu Mini Hoshsho	29

Bitima

Kuni rosiisaanote biddissi qixxaawinohu umi kifile itophiyu malaatu afoo rosiisate irkisancho maxaafa ikkanno gede hendeeti. Giddosino loosu aana hossino hedo, hayyo, ogimma, Itophiyu malaatu afoo rosiisatenna safo tuga hanqafinoha ikkana rosaanonno rosinsanni gumaamma assanno yine hendanni. Qolteno; rosiisate hayyo rosaanote maahoyyaanchonna injiitinota ikkitinota rosatenna rosiisate xaadooshshe kalaqate Afuu woyyaanbera kaajjado safo tugganno.

Ikkinohurano rosiisaano malaatu afii maxaafa macciishshate mitiimma noonsa rosaanora rosiissanno yannara assa hasiissannonsarichi hasiishshu garinni qummissanni rosatenna rosiisate harinsho woyyaawino garinni hadhanno gede assate irkisan-no.

Rosu budi giddosi 15 fooliishsho amadinoha ikkana mitte mittente fooliishsho-
ra hanafote rosu umiwa eate albaanni rosu umira bitimu woy balaxote assootira
kaa'litanno faarsuwa noosiho.

Konni gobaanni woluri mitte mittente fooliishshora hanafote rosu amado xaphooma
hexxonna cinaano hexxo noosiha ikkana rosiisaano tenne hexxo wodanchitanni
rosu shiqo yannara, kuri hexxowa ledosumuu yaanno gede assatenni roso gumaamo
ikkanno gede kaa'lanno. Ledoteno; Mitte mittenteti rosu amado rosiisaano shutunni
huwattannota ikkite shiqqino. Kunino rosiisaanchu roso shiqishate mixo fushshiran-
no woyte mixo qixxeessirate kaa'lannosi.

Jeefoteno, rosiisaanchu rososi/mitte fooliishsho rosiise gudi gedensaanninna rosiis-
anni hee're rosaano roso huwattinoro hiisse keena dandaannoro raga leellishshannoti
keenote safaraano harinsho amadino.

Kunino rosaanonni fooliishshote rosi amado huwante garanna noo gara buuxatenni
rosiisaano taashshiri-tumo uytanno gede kaa'lannonsa.

Xaphoomunni konni biddissi giddo worroonni hajubba mittetenni ikko wole garin-
ni rosatenna rosiisate harinsho rosiisaanote injiitinota assitanno yine hendanni.
Ikkirono, rosiisaano kuri bixxilluwa illachishshe la''atenni rosaanote maxaafi ledos-
xaadisatenni rosatenna rosiisate harinsho gumaame assate uminsa qeecha fultanno
gede assate kaa'lannonsa.

Qaagiishsha

Mitte mittente fooliishsho aana afantanno qaallahu xawishshinsa rosaanote maxaafi
jeefote qooli aana qa'misote qoolira worantino. Ballo rosiisaancho, rosaano hasi-
ishshu garinni horoonsidhanno gede assinsa.

Ballo rosiisaancho, malaattanniha hoowu raga, anga fannanni gara, ofoshshinshanni
gara, suudenna millimmo hattono bisu millimmo, albu xawishsha danchu garinni,
macciishshammenna dargu gara garunni horoonsi'ri.

Mitte mittente fooliishshora hanafote aana rosu umira eote albaanni rosu umira bitimaho woy balaxi assooteho shiqqino faarsuwa ballo rosiisaancho malaatu afii akatta leellishanno garinni rosaanote leellannonsa garinni malaatu afiinni faarsinsa. Rosaano faarso garunni harunsitanni nooro lai. Ballo rosiisaancho, malaatu afii yan-nara nooti rosatenna rosiisate harinsho gidoo assinanniti ayitino qaaluu assootubbanna hedo soorrira malaatu afiinninna qubbichu fidalenni horoonsi'ri. Ballo rosiisaancho, malaattanniha hoowu raga, angate fana, ofoshshiishate gara, suudenna millimmo, hattono bisu millimmo, albu xawishsha hasiisanno ikkito, macciishshammenna darga rosaano garunni loosu aana hosiissinoro woy leellishshinoro seekkite harunsi. Ballo rosiisaancho, kifile eakkira albaanni mittu mittunku rosi umira sumuu yaanno-ha kaa'looshshu uduunne qixxeessidhe amadi.

Fooliishsho Mite

Egennama

Xaphooma Hexxo:

- ◆ Lami-malaatu coy fooliishsho malaatu afinni coyira dandaatto/a.
- ◆ Ki'ne ki'neneetiwa malaatu afinni hasaawa dandiitinanni.
- ◆ Su'makkinna kifilekki malaatu afinni badde kuli.

Qeechinoonni yanna: 9 rosu yanna

Amado:

- ◆ Malaatu afinni keere soorrira
- ◆ Malaatu afinni meessaneeto egensiisa
- ◆ Malaatu afinni rosaanote su'muawa
- ◆ Keere haaratenna egensiisate ledo amadantino qaalla
- ◆ Lami-malaatu coy fooliishshuwa

Agarranni gumi

- ◆ Malaatu afinni umonsa egensiissanno.
- ◆ Malaatu afinni mimmito keere haadhanno.
- ◆ Malaatu afinni amanyoote agadhite mimmito keere haadhanno.
- ◆ Lami-malaatu coy fooliishshuwa horoonsi'ratenni ;loosonsa kultanno.
- ◆ Malaatu afinni labbanno dawaro dewartanno.
- ◆ Keere haaratenna egennamate ledo xaadooshshe afidhino malaatta hoowu raga, anga fannanni gara, suude, millimmo, darganna ofollote gara garunni loosu aana hosiissanno.
- ◆ Illacha tunganni malaatta bowirsidhanno.
- ◆ Hedo goshooshanna bado soorrira affanno.

Shiqishate Hayyo

Asso:

Ballo rosiisaancho, aante noo faarso
rosaanote leellannonsa xawishshinninna
malaatu afii akata illachishino garinni
malaatu afiinni faarsinsa.

Rodoo'ya Yaaqoowi!

rodoo'yaa Yaaqoowi!

Goxitoonii? Goxitoonii?

Bilbila bilbillooyna

Kaaiissii kaaiissii!

Maahoyye kaeemmo! Maahoyye
kaeemmo!

Alba'ya hayishshi're, hinko'ya
fiqiiqire,

Udiinne'ya uddi're, shoo'mo'yaa
shoo'me,

Rosinke minira ha'reemmo

Dancha egenno, dikki'reemmo.

- ◆ Rosaano keere malaatu afiinni haaratenni umikki su'ma egensiisinsa.
- ◆ Rosaano umonsa malaatu afiinni egensiissanno gede lawishsha uyinsa.

Lawishsha:

Keere galitto/a? Keere hositto/a? Keere-
holla galaxxeemmo.

Su'mi'ya _____

Anni'ya su'mi _____

Mitte kifile rosaanchooti.

- ◆ Rosaano konne lawishsha harunsatenni lawanno garinni umonsa egensiissanno gede wo'naalsiisi.
- ◆ Lami-malaatu coy fooliishsho horoonsi'ratenni xa'mo xa'mo dawartanno gede wo'naalsiisi.
- ◆ Bado agadhite hedo soorridhanno gede wo'naalsiisi.
- ◆ Malaate illacha tuggenna woda-

chatenni la'anno dandoonsa bow-
irsidhanno gede lame lamenna
gaamo ikkite wo'naaltanno gede
jawaachishinsa.

- ◆ Misilete xawishsha, assootubba/
millimmonna lami hasaawa horoon-
siratenni rosaano qolte qolte wo'naal-
siisinsa.
- ◆ Amanyoote agadhite keere haadhan-
no gara wo'naalsiisinsa.

Qaagiishsha

*Ballo rosiisaancho, malaatu afii rosi
yannara aytano rosatenna rosiisate
harinsho qaaluu assootubbanna hedo
soorriate gara malaatu afiinninna
qubbichu fidalenni horoonsi'ri.*

Kaa'looshshu Udiinne

Assootenna millimmo leellishanno mis-
ilete xawishsha

Keeno

- ◆ Su'mansanna anninsa su'ma malaatu
afiinni kulansa harunsi.
- ◆ Xa noota kifilete deerransa malaatu
afiinni kula dandaansa buuxi.
- ◆ Rosaano uynoonninsa lawishshi
garinni umonsa ikkadu garinni ma-
laatu afiinni egensiisa dandiitannoro
harunsi.
- ◆ Egennamate ledo shiqqannonsa
xa'mora gara ikkitino dawaro qola
dandaansa buuxi.
- ◆ Keere haarate qaale/misilete xaw-
ishsha sumuu yaanno malaati ledo
fixoonsa dandaansa buuxi.

Fooliishsho Lame

Bisu Kifilla

Xaphooma Hexxo:

- ◆ Bisu kifilla kissanni leellishshanno.
- ◆ Bisu kifilla malaatta horoonsidhanno.
- ◆ Lami-malaatu coy fooliishshuwa/ hajajo loossanno.

Qeechinoonni yanna: 8 rosu yanna

Amado:

- ◆ Bisu kifilla malaatu afinni su'mansa woshshitanni leellisha.
- ◆ Bisu kifilla malaatta
- ◆ Gurduwa (Lawishsha: qummisi, leellishi) lami-malaatu coy fooliishshuwa/hajajo
- ◆ Xa'monna dawaro kulate albu xawishsha

Agarranni Gumi:

- ◆ Bisu kifilla badde kultanno.
- ◆ Bisu kifilla malaatu afinni woshshitanno.
- ◆ Bisi kifilla kissanni woshshitanno.
- ◆ Bisu kifilla su'ma misillansa ledo fiixoonsitanno.
- ◆ Lami-malaatu coy fooliishshuwa/ hajajo loossanno.
- ◆ Xa'motenna dawarote kulate albu xawishsha xiinxallitanno.

Shiqishate Hayyo

Asso:

Ballo rosiisaancho, aante noo faarso rosaanote leellannonsa xawishshinninna malaatu afi akata illachishino garinni malaatu afinni faarsinsa.

Jawiidi qubbicho

Jawiidi qubbicho

(2) Hiikko nootto?

Koye noommo (2) Maqisaancho qubbicho hiittooti? (2) Hiikko nootto?

Kowiicho noommo (2) Mereeri qubbicho hiittooti

(2) Hiikko nootto? Kowiicho noommo (2) Cuuichote qubbicho hiitooti?
(2) Hiikko nootto? Kowiicho noommo
(2) Shiimiidi qubbicho hiitooti? (2)
Hiikko nootta? Kowiicho noomma (2)
Hiitooti qubbuwa? (2) Hiikko heedhi-
noonni?

Kowiicho hee'noommo (2) Hiitooti?

- ◆ Bisu kifilla malaatta egeensiisi.
- ◆ Bisu kifilla kissanninna su'ma woshshitanni egeensiisi.
- ◆ Xa'mo xa'mitanninna tumo qoltanni xawisi.
- ◆ Lami-malaatu coy fooliishshuwa/ hajajo wo'naaltanno gede assi.

Lawishsha:

Anga'ne leellishshe, ille'ne maqisse, sano'ne kisse, lekka'ne leellishshe.

- ◆ Bisu kifilla misilla/ fotta misilla horoonsiratenni diraamu suudi lami hasaawa assi.
- ◆ Rosaano waaxo ikkite mittu xa'manna mittu dawaranna wo'naaltanno gede assi.
- ◆ Laote niwaawe dandoo bowirsidhanno gede assi.

Qaagiishsha

*Ballo rosiisaancho, malaatu afii rosi
yannara aytano rosatenna rosiisate
harinsho qaalu assootubbanna hedo
soorrirate gara malaatu afiinninna
qubbichu fidalenni horoonsi'ri.*

Kaa'looshshu Udiinne

- ◆ Bisu kifilla leellishshanno
- ◆ Misilla, fotta

Keeno

- ◆ Bisu kifilla su'ma misillansa ledo fixoonsa dandaansa harunsi.
- ◆ Bisu kifilla su'ma badde afansa buuxi.
- ◆ Bisu kifilla su'ma garunni woshshansanna kulansa buuxi.
- ◆ Maqisaancho malaate horoonsiratenni bisu kifilla malaatta kultannoro harunsi.
- ◆ Bisonsa kissanni malaatta, misillanna su'minanninsa gara baddinoro harunsi.
- ◆ Lami-malaatu coy fooliishsho loosa dandiitinoro harunsi.

Fooliishsho Sase

Godole

Xaphooma Hexxo:

- ◆ Fooliishshote yanna godole'litanno godole danire hasaabbanno.
- ◆ Godole'lete su'ma malaatu afinni kultanno.
- ◆ Dandeemmo/ didandeemmo aana xintantino coy fooliishsho loossanno.

Qeechinoonni yanna: 8 rosu yanna

Amado:

- ◆ Fooliishshote yannara ooso godole'litanno godole
- ◆ Godole'lete malaatta
- ◆ Dandeemmo/ didandeemmo aana xintantino coy fooliishshu-huwa
- ◆ Dandeemmo/ didandeemmo ledo namoontanno albu xawishshuwanna bisu millimmo

Agarranni Gumi:

- ◆ Fooliishshote yanna godole'litanno godole dana su'mansa malaatu afinni woshshitanno.
- ◆ Dandeemmonna didandeemmo aana xintantino coy fooliishshuwa loosa dandiitanno.
- ◆ Dandeemmonna didandeemmo ledo namoontanno albu xawishshuwanna bisu millimmo affanno.
- ◆ La'atenni sumuu yaate dandoonsa bowirsidhanno.

Shiqishate Hayyo

Asso:

Ballo rosiisaancho, aante noo faarso
rosaanote leellannonsa xawishshinninna
malaatu afi akata illachishino garinni
malaatu afinni faarsinsa.

Hardi Hawado

Hardi hawado hardi arro

Xawo fulle godole'linanna

Momote hambanni anjere

Ronsummoha rosinke mine

Daraarcho, hayissonna darcho

Haanja ikkinoha baalanka

Godó'liinommori dihawaman-
nonke
Hatte qaaqqimma dafi'nanni
Kuukkiyyaattote godó'lenke
Qaaqqimmate xiiwanshonke
Qaagantanno mamooté hawantan-
no
Qaaggoshshise tashshi yaanno
Hiwoyti Maammo

- ◆ Rosaano affino godó'le dana malaatu afiinni kultanno gedé assi.
- ◆ Godó'lete dananna su'mansa malaatu afiinni egeensiisi.
- ◆ Godó'lete dana tantante xawisi.
- ◆ Rosaano uminsanni, waaxunninna gaamotenni ikkité affinota godó'lete dana malaatu afiinni kultanno gedé assi.
- ◆ La"ate niwaawe dandoonsa bowir-sidhanno gedé wo'naalsiisi.
- ◆ Dandemmo, didandemmo aana xintantino coy fooliishshuwa loosii-sinsa.
- ◆ Dandemmo/ didandemmo ledo namoontanno albu xawishshuwanna bisu millimmo wo'naaltanno gedé assinsa.

Qaagiihsha

*Ballo rosiisaancho, malaatu afii rosi
yannara aytano rosatenna rosiisate
harinsho qaalú assootubbanna hedo
soorrirate gara malaatu afiinninna
qubbichu fidalenni horoonsi'ri.*

Kaa'looshshu Udiinne

- ◆ Godó'lenna Assootubba leellishshan-
no misilla xawishsha

Keeno

- ◆ Fooliishshote yanna godó'litanno
godó'le dana su'ma affinoro harunsi.
- ◆ Uminsanni, waaxotenninna gaamote
ikkité affino godó'le dana kula dandi-
itannoro buuxi.
- ◆ Dandemmonna didandemmo ledo
namoontanno albu xawishshuwanna
bisu millimmo wo'naalansa lai.
- ◆ Dandiitannonna dandiitannokki
godó'le dana badde afansa buuxi.

Fooliishsho Shoole

Maate

Xaphooma Hexxo:

- ◆ Fiiximmate xawishshi malaatabaddanno.
- ◆ Maatenna maatete miilla malaatu afinni kultanno.
- ◆ Lami-malaatu xa'mo loossanni xa'mitanno.
- ◆ Illachishshu loans bowirsidhanno.

Qeechinoonni yanna: 6 rosu yanna

Amado:

- ◆ Fixooma xawissanno malaattare hasaawa
- ◆ Fixoomu xawishshi malaatta
- ◆ Lami-malaatu xa'muwa
- ◆ Maatete budu wodho

Agarranni Gumi:

- ◆ Maatete miilla su'ma malaatu afinni woshshitanno.
- ◆ Maate leellishshanno qaalla malaatu afinni leellishshanno.
- ◆ Maatete miilla su'munna koo-tee malaatu afinni xawishsha uytanno.
- ◆ Maatete fiiximmanna xaadooshshe bada dandiitanno.
- ◆ Maatennita budu wodhonna sumuu yitanno gara huwattanno.
- ◆ Maatete qaalla malaatinsa ledo fixoonsitanno.
- ◆ Misilla malaatu afi ledo xaadissanno.
- ◆ Lami-malaatu xa'muwa loossanno.
- ◆ Gumaamma laote nabbawaano ikkitanno.
- ◆ Maate leellishshanno qaalla seekkite kultanno.

Shiqishate Hayyo

Asso:

Ballo rosiisaancho, aante noo faarso
rosaanote leellannonsa xawishshinninna
malaatu afii akata illachishino garinni
malaatu afiinni faarsinsa.

Loosaasinchu Gatesi

Loosaasinchu Gatesi

La'esi la'esi loosaasincho gatesi

Loosaasinchoho galte noosi

La'esi la'esi loosaasinchoho galte
noosi

Galtesira qaaqu noose

La'ese la'ese galtesira qaaqu noose

Qaaqqoho rodoo noosi

La'esi la'esi qaaqqoho rodoo noosi

Qaaqqoho annu noosi

La'esi la'esi qaaqqoho annu noosi

Annaho roduu noosi

La'esi la'esi annaho roduu noosi

- ◆ Maate, maatete miilla fiixoomi xawishsha kultanno malaatta egeensiisi.
- ◆ Misilete xawishshi garinni shiqqino bisu kifilla nabbabbanno gede assi.
- ◆ Misilla su'minsa ledo fiixoonsitanno gede wo'naalsiisi.
- ◆ Fiiximma leellishshanno malaatta qolte qolte xiinxallitanno gede assi.
- ◆ Maatete qaalla gara ikkitino foto/misile ledo xaadissanni wo'naalsha assitanno ikkito qineessinsa.
- ◆ Maate riqibbanno malaatta nabbabbanno gede assi.
- ◆ Fiixooma leellishshanno malaattanna fiixooma kultanno qaalla fiixoonsatenni xawishsha uy.
- ◆ Lami-malaatu xa'muwa loossanno gede assi.

Qaagiihsha

*Ballo rosiisaancho, malaatu afii rosi
yannara aytano rosatenna rosiisate
harinsho qaalu assootubbanna hedo
soorriate gara malaatu afiinninna
qubbichu fidalenni horoonsi'ri.*

Kaa'looshshu Udiinne

- ◆ Maatete miilla leellishshanno misilla xawishsha

Keeno

- ◆ Maatenna maatete miilla su'ma misilensa ledo fiixoonsa dandaansa harunsi.
- ◆ Fiixooma leellishshanno malaatta afansa buuxi.
- ◆ Fiixooma xawissanno qaalla garunni woshshansanna kulansa harunsi.
- ◆ Kulaancho qaalla malaatu afiinni leellishansa harunsi.
- ◆ Misilete xawishshinni irkidhino soka nabbawa dandaansa harunsi.
- ◆ Misilla su'minoonninsa garinni fiixoonsansa buuxi.
- ◆ Fiixooma xawissa malaattanna fiixooma leellishshanno qaalla qineessa dandaansa harunsi.
- ◆ Lami-malaatu xa'muwa loosansa harunsi.

Fooliishsho Onte

Sagalenna Agatto

Xaphooma Hexxo:

- ◆ Sagalennita malaatu afii su'muwa leellishshanno.
- ◆ Agattonnita malaatu afii su'muwa leellishshanno.
- ◆ Sagalete su'muwa malaatu afiinni woshshitanno.
- ◆ Agattote su'muwa malaatu afiinni woshshitanno.

Qeechinoonni yanna: 12 rosu yanna

Amado :

- ◆ Sagalenniha malaatu afii su'muwa
- ◆ Agattonniha malaatu afii su'muwa
- ◆ Addi addi sagalenna agatto dani malaatu afiinni woshshamanno gara
- ◆ Maa ititto/a? maa agitto/a? xa'monna dawaro
- ◆ Kasseenyu xawishsha

Agarranni Gumi:

- ◆ Sagalete su'muwa malaatu afiinni woshshitanno.
- ◆ Sagalete su'muwa agattote su'miwiinni baddanno.
- ◆ Agattote dana malaatu afiinni leellishshanno.
- ◆ Agattote su'muwa sagalete su'muwawiinni baddanno.
- ◆ Sagalenna agattote malaatu su'muwa misilete/fotote ledo fixoonsitanno.
- ◆ Xa'muwa loossanno.
- ◆ Sagalenna agatto misilete xawishsha malaatu afiinni leellishshanno.
- ◆ Maa ititto/a?, maa agitto/a? yitanni lami-malaatu xa'muwa xa'mitanno.
- ◆ Kasseenyu xawishshuwa garunni horoonsidhanno.

Shiqishate Hayyo

Asso:

Ballo rosiisaancho, aante noo faarso
rosaanote leellannonsa xawishshinninna
malaatu afii akata illachishino garinni
malaatu afiinni faarsinsa.

Sagale saga'la

Sagale saga'la keeraanchimmate (2)

Hanni yino te'lemmi te'lemmi

Mite lame sase yino

Sagale saga'la keeraanchimmate (2)

Daabbo buddeena quuphe

Hanni yino te'lemmi te'lemmi

Mite lame sase yino

Sagale saga'la keeraanchimmate (2)

Maala tima ambaashsha

Hanni yino te'lemmi te'lemmi

Mite lame sase yino

Sagale saga'la keeraanchimmate (2)

Hanni yino te'lemmi te'lemmi

Mite lame sase yino

- ◆ Misile/ foto leellishatenni malaatunni sagaletenna agattote dananna su'mansa egeniisi.
- ◆ Rosaano sagaletenna agattote dananna su'ma woshshitanno gede assi.
- ◆ Shoo'maho maa ittinoronna agginoro rosaano bado badotenni xamitanni kultanno gede assi.
- ◆ Lami-malaatu xamuwa (maa ititto/a? maa agitto/a?) xamitanni hasaawa assi.

- ◆ Sagalennitanna agattonnita malaatu su'muwa misilete/fotote ledo fiixoonsitanno assi.
- ◆ Waaxunninna gaamotenni ikkita sagaletenna agattote danire hasaab-banno gede qineessi.
- ◆ Sagaletenna agattote dani tittirsha leellishshanno misile malaatu ledo fiixoonsitanno gede wo'naalsiisi.
- ◆ Xamuwa loosiisinsa.

Qaagiihsha

*Ballo rosiisaancho, malaatu afii rosi
yannara aytano rosatenna rosiisate
harinsho qaalu assootubbanna hedo
soorrirate gara malaatu afiinninna
qubbichu fidalenni horoonsi'ri.*

Kaa'looshshu Udiinne

- ◆ Sagalennihanna agattonniha misilete xawishsha

Keeno

- ◆ Sagalennihanna agattonniha misilete xawishsha malaatunni leellisha dandaansa buuxi.
- ◆ Misilla sayisanno sokka malaatu afiinni xawisansa harunsi.
- ◆ Misilla la'atenni misilete daafira xawishsha aansa harunsi.
- ◆ Misile misileteninna malaatu afiinni xaadisa dandaansa harunsi.

Fooliishsho Lee

Techo Barru Maati?

Xaphooma Hexxo:

- ◆ Lamalate barruware malaatu afinni kultanno.
- ◆ Lamalate barruware malaatu afinni hasaabbanno .
- ◆ Lamalate barruwa malaat afinni kultanno, leellishshanno.
- ◆ Barruwa kiirote ledo fixoonsitanni malaatu afinni coy fooliishsho loossanno.

Qeechinoonni yanna: 8 rosu yanna

Amado:

- ◆ Lamalate barruware
- ◆ Lamalate barruwa malaatu afii su'mansa
- ◆ Barruwa kiirote ledo fixoonsa
- ◆ Barruwa kiirote ledo horoonsira
- ◆ Loosunna fooliishshote barruwa badooshshe

Agarranni gumi:

- ◆ Lamalate barruwa malaatu afinni woshshitanno.
- ◆ Lamalate barruwaha malaatu su'muwa barruwate ledo fixoonsitanno.
- ◆ Xaadooshshu noonsare yannate qummisaano malaatu afinni xawissanno.
- ◆ Barruwa kiirote ledo xaadissanni kultanno.
- ◆ Loosu barruwa baddanno.
- ◆ Sambata baddanno.
- ◆ Loosunna fooliishshote barruwa badooshshe xawissanno.
- ◆ Sanyotenni aanino barra malaatu afinni leellishshanno.

Shiqishate Hayyo

Asso:

Ballo rosiisaancho, aante noo faarso
rosaanote leellannonsa xawishshinninna
malaatu afii akata illachishino garinni
malaatu afiinni faarsinsa.

Techo Barru Ayeti?

Techo barru ayeti? (2)

Techo barru Sambataho

Sambataho fooliishshote barraati

Techo barru ayeti? (2)

Techo barru sanyote .

Sanyo rosoho hanafote barraati.

Techo barru ayeti? (2)

Techo barru arbete.

Arbe rosoho jeefote barraati.

- ◆ Barruwa nalaatu afiinni egensiisinsa.
- ◆ Lamalate barruwa malaatu afii su'muwa leellishshanni wo'naalsiisi.
- ◆ Rosaano gaamotenni beehante mitte mittenti gaamo barruwa amadde mittu mittunku barri giddo maa maa loossannoro malaatu afiinni xawis-sanno gede assi.
- ◆ Rosaano waaxo woy gaamo ikkite lamalate barruwa giddo uminsa maa maa loossannoro malaatu afiinni kultanno gede assi.
- ◆ Yanna qummissanno malaatta tittir-shunni kultanno.
- ◆ Waaxonna gaamo ikkite lamalate barruwa malaatu su'muwa leel-lishshanno gede assi.
- ◆ Lamalate giddo heedhanno barruwa su'ma aantensa garinni tittirtanni xiinxallitanno gede assi.

Qaagiishsha

*Ballo rosiisaancho, malaatu afii rosi
yannara aytano rosatenna rosiisate
harinsho qaalu assootubbanna hedo
soorrirate gara malaatu afiinninna
qubbichu fidalenni horoonsi'ri.*

Kaa'looshshu Udiinne

- ◆ Lamalate barruwa aantensa garinni malaatunninna su'minsanni qixxeessa
- ◆ Barra kiirannire filaash kaarde loonse qixxeessa

Keeno

- ◆ Lamalate barruwa malaatu afiinni woshshitannoro harunsi.
- ◆ Lamalate barruwa malaatu su'muwa kiirote ledi fiixoonsansa buuxi.
- ◆ yannate qummisaano ikkitino qaalla malaatunni xawisa dandaansa lai.
- ◆ Loosunna sambatu barruwa badansa harunsi.
- ◆ Lamalate giddo afantanno barruwa su'ma

Fooliishsho Lamala

Qubbichu Fidalla

Xaphooma Hexxo:

- ◆ Sidaamu Afii fidalla qubbichu fidalenni nabbabbanno.
- ◆ Qubbichu fidalenni fidalla kalaqqanno.
- ◆ Su'mansa qubbichi fidalenni woshshitanno.
- ◆ Miillansa su'ma qubbichu fidalenni woshshitanno.

Qeechinoonni yanna: 16 rosu yanna

Amado:

- ◆ Itophiyu malaatu afii qubbichu fidalla
- ◆ Qubbichu fidalla (A-Z)
- ◆ Ane, ate, isi/ise su'ma qubbichu fidalenni

Agarranni gumi:

- ◆ Qubbichu fidalla kalaqate kaa'litanno angate qubbuwa wo'naalshuwa hasiis-sanno.
- ◆ A-Z geeshsha noo fidalla qubbichu fidalenni woshshitanno.
- ◆ Fidalla qubbichu fidalenni nabbabbanno.
- ◆ Qubbichu fidale kalaqaminsa baycho/garensa baddanno.
- ◆ Uminsanna miillansa su'ma qubbichu fidalenni egensiissanno.
- ◆ Qubbichu fidale Sidaamu Afii fidalla ledo fixoonsitanno.
- ◆ Garesewiinni baxxitino fidale bada dandiitanno.
- ◆ Sidaamu Afii fidalla sirchinsa/ garensanni ledo qubbichu fidalenni nabbab-banno.
- ◆ Qubbichu fidalla sircho/ garensa baddanno.

Shiqishate Hayyo

Asso:

Ballo rosiisaancho, aante noo faarso
rosaanote leellannonsa xawishshinninna
malaatu afii akata illachishino garinni
malaatu afiinni faarsinsa.

Ooso Ronso

Ooso ronso xiinxallino

Egenno afi'rate jawaante ronso

“A” fengote gedeete

“B” manantsire labbanno

“C” haanto labbanno

“D” digaana labbanno

“E” huficho labbanno

“F” fettenne labbanno

“G” bokkaame haanto labbanno

“H” hallo amaxxitinota labbanno

“I” mitte kiir labbanno

- ◆ Rosaano angansa quwunni gotti as-
site giddayidi angansa leellishshanno
gede assatenni qubbichu fidalla bado
badotenni egesiisi.
- ◆ Qubbichu fidalla wo'naaltanno gede
assi.
- ◆ Qubbichu fidalenna sirchonsa/ ga-
rensa tittirtanni xawishsha assi.
- ◆ Uminsa su'ma, miillansa su'ma, rosi-
isaanonsa su'manna maatensa su'ma
qubbichu fidalenni woshhsitanno
gede assi.

Lawishsha:

(Ane su'mi ----- ate su'mi ... isi
su'mi/ ise su'mi yaannoha
horoonsiratenni)

- ◆ Fidalete kiirsha, shae, postere, qaddo
akeekishsha horoonsiratenni qubbi-
chu fidalla garunni xiinxabbannon-

na nabbabbanno gede assi.

Qaagiishsha

*Ballo rosiisaancho, malaatu afii rosi
yannara aytano rosatenna rosiisate
harinsho qaalu assootubbanna hedo
soorriate gara malaatu afiinninna
qubbichu fidalenni horoonsi'ri.*

Kaa'looshshu Udiinne

- ◆ Qubbichu fidalla malaatu afiinni
loosate kaa'litannota angate gubbuwa
wo'naalsiishsha
- ◆ Shaetenni loosantinota qubbichu
fidalla
- ◆ Qubbichu fidallaha qaddo akeekish-
sha

Keeno

- ◆ Qubbichu fidalla sirchonsa/ garena
garunni nabbawa dandaansa buuxi.
- ◆ Fidalla qubbichu fidalla ledo fiixoon-
sa dandaansa harunsi.
- ◆ Malaatu afiita angate gara, horoon-
sirate garinna millimmo garunni
gumulamase harunsi.

Fooliishsho Sette

Daftarra'ya

Xaphooma Hexxo:

- ◆ 1-100 geeshsha noota malaatu afii qubbichu fidalla wo'naaltanno.
- ◆ Kiirro qubbichunni malaatu afinni nabbabbanno.
- ◆ Kiirro qubbete malaati afinni kiirtanno.
- ◆ Sasi-malaatu coy fooliishsho malaatu afinni loossanno.

Qeechinoonni yanna: 13 rosu yanna

Amado:

- ◆ 1-100 geeshsha nooti malaatu afii qubbete kiirro
- ◆ Fooliishsho lamete aana xintantino sasi-malaatu coy fooliishshuwa
- ◆ Su'manna kiirro mittimmatenni horoonsirate doogga

Agarranni gumi:

- ◆ 1-100 geeshsha noo kiirro qubbete malaatu afinni kiirtanno.
- ◆ Misilete batinye kirote ledoo fiixoonsitanno.
- ◆ Kiirro qubbete malaatu afii ledoo fiixoonsitanno.
- ◆ Misilete batinye qubbichu malaatu afii ledoo fiixoonsitanno.
- ◆ Wo'ma kiironna xea kiirro baddanno.
- ◆ Jawiidi kiirro shiimiiditenni baddanno.
- ◆ Misilla qubbete malaatu afinni kiirte batinyensa baddanno.
- ◆ Kiironna su'ma horoonsiratenni sasi-malaatu coy fooliishshuwa loossanno.
- ◆ Su'muwanna kiirro mitteenni horoonsi'nanni doogga huwattanno.

Shiqishate Hayyo

Asso:

Ballo rosiisaancho, aante noo faarso
rosaanote leellannonsa xawishshinninna
malaatu afii akata illachishino garinni
malaatu afiinni faarsinsa.

Mite Lame Sase Shoole Onte
Mite Lame Sase Shoole Onte (2)
Qulxu'me amaxxummo shooleho
Onte Lee Lamala Sette Honse
Tonne (2)
Raare wi'lummo hedeweelcho
Mayra aguritto/a
Qubbichu'ya qubbichu'ya quxu-
uxie
Hiikkooye qubbichokkiiti
Qiniiticho angaha shiimiidiha (2)

Hiwoyti Maammo

- ◆ Rosaano angansa albira qolte quwun-
ni kaysatenni gididi angansa leel-
lishshanno gede qubbete kiirro bado
badotenni kulinsa.
- ◆ (1-10, 11-20, 21-30, 31-40,41-50,
51-60,61-70, 71-80, 81-90, 91-100)
geeshsha noo kiirro qubbichu malaatu
afiinni kiirtanno gede assi.
- ◆ Kiironna su'muwa horoonsidhan-
ni sasi-malaatu coy fooliishshuwa
loosiisinsa.
- ◆ Kifilete giddo noo meyatanna labbaa
rosaano batinye xa'matenni dawaro
uytanno gede assi.
- ◆ Buhansa/dironsanna maatensa miilla
batinye xa'mite dawaro uytanno gede
assi.
- ◆ Kiirro qubbichu malaati afiinni
nabbabbannonna kiirtanno gede
wo'naalsiisi.

Qaagiishsha

*Ballo rosiisaancho, malaatu afii rosi
yannara aytano rosatenna rosiisate
harinsho qaalu assootubbanna hedo
soorrirate gara malaatu afiinninna
qubbichu fidalenni horoonsi'ri.*

Kaa'looshshu Udiinne

- ◆ Malaatu afoo loosate kaa'litanno
angate qubbuwa wo'naalshuwa
- ◆ Shaete, poosteretenna akeekishshinni
qixxaabbino qubbichu malaatu afii
kiirro shae

Keeno

- ◆ Kiirro qubbichu malaati afiinni nab-
bawanna kiira dandaansa hurunsi.
- ◆ Kiironna su'muwa horoonsiratenni
sasi-malaatu coy fooliishshuwa loo-
sansa buuxi.
- ◆ Su'muwanna kiirro mitteenni horoon-
sirate doogga huwatansa lai.
- ◆ Misilla qubbichu malaatu afiinni
kiirte batinyensa badansa harunsi.

Fooliishsho Honse

Baxeemmohu Gati Kaashshi

Xaphooma Hexxo:

- ◆ Gati kaashshi su'muwana dani aana hasaabbanno.
- ◆ Malaatu afinni malaatu afii su'muwa lellishshanno.
- ◆ Lami-malaatu coy fooliishsho loossanno.

Qeechinoonni yanna: 7 rosu yanna

Amado:

- ◆ Addi addi gati kaashshi su'muwa
- ◆ Lami-malaatu coy foolishshuwa (Burtukaane baxeemmo; muuze dibaxeemmo....)
- ◆ Baxatenna giwate ledo namoontanno albu xawishshuwanna bisu millimmo

Agarranni gumi:

- ◆ Gati kaashshi su'muwa malaatu afinni woshshitanno.
- ◆ Gati kaashshi su'muwa wole sagalenni baddanno.
- ◆ Gati kaashshi su'muwa malaatu afinni kultanno.
- ◆ Gati kaashshi misile malaatu afii ledo fiixoonsitanno.
- ◆ Gati kaashshi misile la'anni gati gati kaashsho baddanno.
- ◆ Malaate la'anni gati kaashshi su'ma woshshitanno.
- ◆ Gati kaashshi misilla malaati afinni nabbabbanno.
- ◆ Gati kaashshi misi mimmito lawanno gati kaashshi misile ledo xaadissanno.
- ◆ Gati kaashshi misile la'anni misilennire malaatu afinni xawissanno.
- ◆ Baxatenna giwate leod namoontannota albu xawishshuwanna bisu millimmo huwattanno.

Shiqishate Hayyo

Asso:

Ballo rosiisaancho, aante noo faarso
rosaanote leellannonsa xawishshinninna
malaatu afii akata illachishino garinni
malaatu afiinni faarsinsa.

Gati kaashsho saga'la
Hanni yino te'lemmi te'lemmi
Hanni yino mite lame sase
Gati kaashsho saga'la keeraan-
chimmate Burtukaane, muuze
loome
Hanni yino te'lemmi te'lemmi
Hanni yino mite lame sase
Gati kaashsho saga'la keeraan-
chimmate (2)
Paappaayya Mango Awukaato
Hanni yino te'lemmi te'lemmi
Hanni yino mite lame sase
Gati kaashsho saga'la keeraan-
chimmate (2)
Woyne hanaanaase
Hanni yino te'lemmi te'lemmi
Hanni yino mite lame sase
Gati kaashsho saga'la keeraan-
chimmate (2)

- ◆ Gati kaashshi su'ma malaatu afiinni woshshitanni egensiisi.
- ◆ Uminsanni, waaxunninna gaamo ikkite gati kaashshi su'muwanna dandansa malaatu afiinni wo'naaltanno gede assi.
- ◆ Rosaano baxxannoha gati kaashshi dana malaatu afiinni mimmitu ledo xa'mantanno gede assi.
- ◆ Gati kaashshi misile leellishshanni malaatu afii su'muwa xaiwssanno

gede injeessinsa.

- ◆ Gati kaashshuwa misile loossanno gede assatenninna malaate la'atenni wo'naaltanno gede irko assinsa.
- ◆ Burtukaane baxeemmo/ dibaxeemmo yitannota lami-malaatu coy fooli-ishshuwa loossanno gede irkisinsa.
- ◆ Gati kaashshi dana tittirshunni leellishshanno misile malaatu afii ledo fiixoonsitanno gede wo'naalsiisatenni xa'muwa loosiisinsa.
- ◆ Baxatenna giwate ledo namoomannoha albu xawishshanna bisu millimmo horoonsidhanno gede assinsa.

Qaagiishsha

*Ballo rosiisaancho, malaatu afii rosi
yannara aytano rosatenna rosiisate
harinsho qaalu assootubbanna
hedo soorrirate gara malaatu afiin-
ninna qubbichu fidalenni horoonsi'ri.*

Kaa'looshshu Udiinne

- ◆ Gati kaashshi dana leellishshanno misile

Keeno:

- ◆ Gati kaashshi malaatu afii su'muwa gara ikkitino foto/misile ledo fiixoonsa dandaansa harunsi.
- ◆ Gati kaashshiha malaatu afii su'muwansa badde afansa buuxi.
- ◆ Gati kaashshita malaatu afii su'muwansa garunni woshshansanna leellishansa buuxi.
- ◆ Gati kaashshi dana tittirshunni leellishshanno misile malaatu afii ledo fiixoonsitannoro lai.
- ◆ Baxatenna giwate ledo namoontanno albu xawishshuwanna bisu millimmo horoonsira dandaansa harunsi.

Fooliishsho Tonne

Duumu Ogori'ya

Xaphooma Hexxo:

- ◆ Kuulu su'muwanna dana lainohunni malaatu afiinni hasaabbanno.
- ◆ Kuulu dana malaatu afiinni leellishshannonna baddanno.
- ◆ Sasi-malaatu coy fooliishshuwa loossanno.

Qeechinoonni yanna: 6 rosu yanna

Amado:

- ◆ Kuulu su'muwanna danansa
- ◆ Babbaxxino kuuli malaate
- ◆ Sasi-malaatu coy fooliishshuwa (Ogori'ya duumoho, biire'ya kolishshote.....)
- ◆ Su'muwa kuulu ledo horoonsi'rate doogga

Agarranni gumi:

- ◆ Kuulu su'ma malaatu afiinni tittirtanno.
- ◆ Kuula malaatu afiinni bada dandiitanno.
- ◆ Kuula malaatu afiinni woshshitanno.
- ◆ Mimmito lawanno kuula fiixoonsitanno.
- ◆ Kuula malaatu afii su'muwansa ledo fiixoonsitanno.
- ◆ Udiinninsa kuula malaatu afiinni badde leellishshanno.
- ◆ Su'muwa kuulu ledo horoonsi'nanni doogga huwattanno.
- ◆ Kuulu su'ma horoonsidhe sasi-malaatu coy fooliishshuwa loossanno.

Shiqishate Hayyo

Asso:

- ◆ Kuulu malaate egeniisinsa.
- ◆ Kuulu dana leellishshanno poostere/ chaartere horoonsidhanni kuula leellishinsa.
- ◆ Kifilete giddo noo uduunne qummissanni rosaano kuulu dana su'munni woshshitanno gede assi.
- ◆ Ogorinsa, uddanonsanna koattensa kuula baddanno gede assi.
- ◆ Mimmito lawanno kuuli noonsare kultanno/ leellishshanno assi.
- ◆ Rosaano bado badotenni woy waaxo ikkite kuulu daafira xa'mantanno gede assi.
- ◆ Uminsa, maatensa miillanna jaallansata uduunnu kuuli aana hedo soorridhanno gede assi.
- ◆ Gaamotenni beehante mimmito xa'mo xa'mitanni rosiisidhanno gede assi.
- ◆ Rosaano xa'mitannonna dawartanno gede jawaachinsa.
- ◆ Misiletenni/ akeekishshunni shiqino kuuli su'ma malaatu afiinni woshshitanno gede assi.
- ◆ Kuulu su'ma horoonsidhanni sasi-malaatu coy fooliishsho loossanno gede assi.

Qaagiishsha

Ballo rosiisaancho, malaatu afii rosi yannara aytano rosatenna rosiisate harinsho qaalu assootubbanna hedo soorrirate gara malaatu afiinninna qubbichu fidalenni horoonsi'ri.

Kaa'looshshu Udiinne

- ◆ poosteretenni/chaartetenni shiqino kuuli lawishsha
- ◆ Kuulu dana leellishshanno misile

Keeno

- ◆ Misiletenni shiqino kuulu dananna su'muwa malaatu afiinni leellishshannoro buuxi.
- ◆ Rosaano kuula lainohunni malaa-tu afiinni xa'mitannoronna dawaro woltannoro harunsi.
- ◆ Kuulu dana malaatinsa ledo fiixoon-sitannoro lai.
- ◆ Su'ma horoonsidhanni sasi-malaatu coy fooliishshuwa loosansa lai.

Fooliishsho Tonaa Mite

Saada Bada

Xaphooma Hexxo:

- ◆ Saadate daninna su'mi aana malaatu afinni hasaabbanno.
- ◆ Malaatu afinnis saada xawissanno.
- ◆ Mini saadanna gobba saada malaatu afinni lellishshanno.
- ◆ Saadate horo aana xintantino coy fooliishsho loossanno.

Qeechinoonni yanna: 12 rosu yanna

Amado:

- ◆ Saadate dananna su'ma
- ◆ Mini saada su'ma
- ◆ Gobba saada su'ma
- ◆ Saadate horo aana xintantino coy fooliishsho

Agarranni gumi:

- ◆ Mini saada malaatu afinni su'mansa badde woshshitanno.
- ◆ Mini saada mimmitunniwa noonsa lambenna badooshshe malaatu afinni heewisiissanno.
- ◆ Saadate misile la'e mininna gobba saada malaatu afinni baddanno.
- ◆ Saadate su'ma gara ikkitino misilenna malaati ledo fiixoonsitanno.
- ◆ Saadate foto/misile la'e su'mansa malaatu afinni kultanno.
- ◆ Mini saada horonna uytanno kaa'lo malaatu afinni xawissanno.
- ◆ Saadate horo aana xintantino coy fooliishsho malaatu afinni kultanno.

Shiqishate Hayyo

Asso:

Ballo rosiisaancho, aante noo faarso
rosaanote leellannonsa xawishshinninna
malaatu afii akata illachishino garinni
malaatu afiinni faarsinsa.

Woshichu sussugi

Woshichu sussugi

Miqicho adhe ha'ri (2)

Hakkooye itanni agaranno
mooraancho

Woshichu wuhhu wuhhu yi (2)

Basu meyawu yitu (2) ado agganni

Saa humbaa yitu (2) hayisso
ittanni

Lukkichu u'uu yi (2)

Soodonte kae huuro macciishshiis-
hanno

Mini saada (2)

Mannaho batinye horo noonsa

Konne baalinke huwanto

- ◆ Saadate misile/foto leellishatenni malaatu afiinni saadate dananna su'mansa woshshinanni egeniisa,
- ◆ Saadannita xaphooma ikkitore malaatu afiinni hasaawisa,
- ◆ Mininna gobba saada baddanno gede malaatu afiinni egeniisa,
- ◆ Rosaano saadate daafira la'inore woy affinore bado badotenni, waaxunninna gaamotenni ikkite malaatu afiinni hasaabbanno gede assa,
- ◆ Saadate horo aana xintantino coy fooliishsho loosiisa,
- ◆ Mininna gobba saada tittirshunni leellishshanno misile malaatu afii ledo fixoonsitanno wo'naalsiinsanni xa'muwa loosiisa,

- ◆ Waaxunninna gaamotenni ikkite affinorinna baxxannori mininna gobba saada daafira malaatu afiinni hasaabbanno gede injeessa,
- ◆ Saadate misile loosse loossino misilera malaatu afiinni xawishsha uytanno gede assa

Qaagiishsha

Ballo rosiisaancho, malaatu afii rosi yannara aytano rosatenna rosiisate harinsho qaaluu assootubbanna hedo soorrirate gara malaatu afiinninna qubbichu fidalenni horoonsi'ri.

Kaa'looshshu Udiinne

- ◆ Mininna gobba saada leellishshanno misile

Keeno

- ◆ Mininna gobba saadaha malaatu afii su'ma gara ikkitino misile/ foto ledo fixoonsa dandaansa harunsi.
- ◆ Mini saada gobba saadawiinni badansa buuxi.
- ◆ Mini saadanna gobba saada su'ma malaatu afiinni garunni woshshansanna leellishansa buuxi.
- ◆ Mininna gobba saada leellishshanno misile malaatu afii su'muwa ledo fixoonsa dandaansa lai.

Fooliishsho Tonaa Lame

Konne Maati Yinanni?

Xaphooma Hexxo:

- ◆ Rosu uduunne malaatu afii su'minni baddanno.
- ◆ Rosu udiinni su'manna danansa malaatu afiinni rosiisidhanno.
- ◆ Lami-malaatu xa'muwa loossanno.

Qeechinoonni yanna: 7 rosu yanna

Amado:

- ◆ Kifilete giddo noo rosu udiinni su'manna xa'minanni gara
- ◆ Rosu udiinni malaatu afii su'muwa
- ◆ Leellishaano malaatta
- ◆ Lami-malaatu xa'muwa

Agarranni gumi:

- ◆ Ronsanni kifile giddo noo udiinni malaatu afii su'muwansa woshshitanno.
- ◆ Ronsanni kifile giddo noo udiinni horo malaatu afiinni tittirtanno.
- ◆ Leellishaano malaate horoonsi'ratenni lami-malaatu xa'muwa malaatu afiinni xa'mitanno.
- ◆ Ronsanni kifile giddo noo udiinni su'muwa gara ikkitino misile/foto ledo fixoonsitanno.

Shiqishate Hayyo

Asso:

Ballo rosiisaancho, aante noo faarso
rosaanote leellannonsa xawishshinninna
malaatu afii akata illachishino garinni
malaatu afiinni faarsinsa.

Ha'no rosu minira
Ha'no rosu minira
Ha'no rosu minira
Egenno hidhate
A B C D E F
Ha'no rosu minira
Ha'no rosu minira
Egenno hidhate
1, 2, 3, 4, 5

Ha'no rosu minira
Ha'no rosu minira
Egenno hidhate

Hiwoyti Maammo

- ◆ Ronsanni kifile giddo noo udiinni malaatu su'muwansa woshshitanni engensiisi.
- ◆ Rosaano malaatu afiinni xa'mitanno/dawartanno gede assi.
- ◆ Lami hasaawu yannara malaatu afiinni beeqqitanno gede assi.
- ◆ Lami-hasaawu/tumo dawarate xa'muwa qixxeessinsa.

Lawishsha:

Kuni maati? kuu'u maati?

- ◆ Rosaano bado agadhite malaatu afiinni xa'manshote yawo loossanno gede assi.
- ◆ Udiinnicho kisatenni misilla leelishatenni baddanno gede assi.

Qaagiishsha

*Ballo rosiisaancho, malaatu afii rosi
yannara aytano rosatenna rosiisate
harinsho qaalu assootubbanna hedo
soorrirate gara malaatu afiinninna
qubbichu fidalenni horoonsi 'ri.*

Kaa'looshshu Udiinne

- ◆ Ronsanni kifile giddo noo udiinni tittirsha leellishshanno misile

Keeno

- ◆ Ronsanni kifile giddo noo udiinni su'muwa misilensa ledoo fiixoonsa dandaansa harunsi.
- ◆ Ronsanni kifile giddo noo udiinni su'muwansa malaatu afiinni badde afansa buuxi.

- ◆ Ronsanni kifile giddo noo udiinni su'muwansa malaatu afiinni garunni woshshitannoronna leellishshannoro buuxi.
- ◆ Ronsanni kifile giddo noo udiinni horo malaatu afiinni xawisa dandii-tannoro buuxi.
- ◆ Ronsanni kifile giddo noo uduunne leellishshanno misile malaatu afii su'muwansa ledoo fiixoonsansa lai.
- ◆ Leellishaano malaatta horoonsidhan-ni lami-malaatu xa'muwa loosansa harunsi.

Fooliishsho Tonaa Sase

Ogimmanna Ogeeyye

Xaphooma Hexxo:

- ◆ Ilinonsa ayiddi bobbahino ogimmate danire malaatu afinni hasaabbanno.
- ◆ Mannunniha ogimmate handaara/ogimmanna loosu darga malaatu afinni xawissanno.

Qeechinoonni yanna: 7 rosu yanna

Amado:

- ◆ Ilinonsa ayiddi bobbahino loosi dana
- ◆ Babbaxxitino ogimma malaatta
- ◆ Sasi-malaatu coy fooliishshuwa

Lawishsha:

(Anni'ya rosiisaanchoho, ama'ya xagisaanchote...)

- ◆ Maahoyyaancho/ hi'naancho coy fooliishsho ledo namoontanno albu xawishshuwanna bisu millimmo

Agarranni gumi:

- ◆ Ilinonsa ayiddi bobbahino ogimmate dana malaatu afinni xawissanno.
- ◆ Mannootu bobbahara dandaannoha loosu/ogimmate handaara malaatu afinni qummi assitanno.
- ◆ Loosu/ogimmate handaarra afama dandiitanno darga malaatu afinni kultanno.
- ◆ Sasi-malaatu coy fooliishsho loossanno.

Shiqishate Hayyo

Asso:

Ballo rosiisaancho, aante noo faarso rosaanote leellannonsa xawishshinninna malaatu afii akata illachishino garinni malaatu afiinni faarsinsa.

Nooe Maalalete Hasatto

Nooe maalalete hasatto ogimmaten-ni jawaate egennote lophate jawaate xiinxaaawate.

Ikkate sayinsicha, dottoranna hayyicha Xiinxallote loosinni pirofeesericha.

Mudhe kaommo halaalu ajuuja illa-chishe rosiisaano'yawiinni egenno adhe.

Nooe maalalete hasatto ogimmaten-ni jawaate egennote lophate jawaate xiinxaaawate.

Gobba'ya naaxxiisate kalqete hexxo ikkammora rosunninna egennote lopho halashshammora.

Ispoorote, egennotenna ogimmate qajeele afate kaommo hasatto'yara mudhe.

Nooe maalalete hasatto ogimmaten-ni jawaate egennote lophate jawaate xiinxaaawate.

Yoonasi Mogesi Wo/Tsaadiqi

- ◆ Mannootu bobbakkaha dandiitanno loosu/ogimmate handaarrata malaatu su'muwansa su'mansa kultanni engensiissanni xawishsha uyinsa.
- ◆ Rosaano egentinoha ogimmate dana malaatu afiinni xa'mi.
- ◆ Ogimmate dana malaatu afiinni xa'mi.
- ◆ Ilinonsa ayiddi bobbahino ogimmate dana xa'matenni malaatu afiinni kultanno gede assi.

Lawishshaho:

Sasi-malaatu coy fooliishshuwa (Anni'ya rosiisaancho, Anni'ya dottora di'ikkinno...) yitanno coy fooliishshuwa loosiisi.

- ◆ Laote niwaawe dandoonsa bow-irsidhanno gede jawaachishinsa, harunsinsa.
- ◆ Ogimmate dananna ogeessu loosanno loosu xaadisse malaatu afiinni kulinsa.

Lawishshaho:

Rosiisaanchu rosiisanno, xagisaanchu xagisanno, Daanyu yoo yaanno, Oofaanchu kaameela oofanno....

Qaagiishsha

Ballo rosiisaancho, malaatu afii rosi yannara aytano rosatenna rosiisate harinsho qaalu assootubbanna hedo soorrirate gara malaatu afiinninna qubbichu fidalenni horoonsi'ri.

Kaa'looshshu Udiinne

- ◆ Loosu/ogimmate handaarra leelishshanno foto/misilla horoonsi'ra

Keeno

- ◆ Mannootu bobbaha dandiitanno loosu/ ogimmate handaarra malaatu su'muwansa xawisa dandaansa buuxi.
- ◆ Ilinonsa ayiddi bobbahino ogimmate dana malaatu afiinni kulansa lai.
- ◆ Sasi-malaatu coy fooliishsho loosu dandaansa harunsi.
- ◆ Maahoyyaancho/hi'naancho coy fooliishsho ledonamoontannota albu xawishshuwanna bisu millimmo leelishate dandiitannoro harunsi.

Fooliishsho Tonaa Shoole

Ane Baxeemmuhu

Xaphooma Hexxo:

- ◆ Rossinoha malaatu afoo horoonsidhe baxxannorinna gibbannori daafira hasaabbanno.
- ◆ Baxatenna giwate daafira malaatu afinni kultanno.
- ◆ Malaatu afinni macciishshamme xawissanno malaatta garunni leellishshanno.
- ◆ Gumaamma malaatu afii nabbawaano ikkitanno.
- ◆ Xawisate hayyo malaatu afinni leellishshanno.

Qeechinoonni yanna: 8 rosu yanna

Amado:

- ◆ Rossin0 garinni baxxannorireenna gibbannorire xawisa
- ◆ Macciishshamme xawissanno malaatta (baxa, giwa...)
- ◆ Sasi-malaatu coy fooliishshuwa
- ◆ Baxate, giwate.... ledo namoontanno albu xawishshuwanna bisu millimmo

Agarranni gumi:

- ◆ Baxxannorireenna gibbannorire malaatu afinni tittirtanno.
- ◆ Macciishshamme xawissanno malaatta horoonsidhanni baxxatenna giwate macciishshamme xawissanno.
- ◆ Baxate macciishshamme busha macciishshammenni badate dandiitanno.
- ◆ Macciishshamme xawissanno malaatta horoonsi'ratenni sasi-malaatu coy fooliishshuwa borreessitanno.
- ◆ Baxate/giwate ledo namoontannota albu xawishshuwanna bisu millimmo leellishshanno.

Shiqishate Hayyo

Asso:

Ballo rosiisaancho, aante noo faarso
rosaanote leellannonsa xawishshinninna
malaatu afii akata illachishino garinni
malaatu afiinni faarsinsa.

Maate'ya Baxeemma'ne
Baxeemmahe anna'ya (2)
Baxeemmahe ama'ya (2)
Ama'yanna anna'ya anera ki'ne
danchuulleho
Hanqaffine lossitinoonnie
Baxeemmahe labba rodo'ya
Baxeemmahe meya rodo'ya
Maate'ya anera danchuulleho
Hanqaffine lossitinoonnie.

Yoonasi Mogesi W/Tsaadiqi

- ◆ Macciishshamme xawissanno malaatta leellishshanni egensiisi/xawisi.
- ◆ Baxxannorirena gibbannorire waaxo ikkite woy gaamotenni ikkite xawissanno gede assi.
- ◆ Macciishshamme leellishshanno malaatta garunni horoonsi'ransa harunsi.
- ◆ Sasi-malaatu coy fooliishshuwa loosiisi.
- ◆ Baxate/giwate ledo namoontanno albu xawishshunna bisu millimmo horoonsidhanno gedenna rosiisdhanno gede assi.

Qaagiishsha

*Ballo rosiisaancho, malaatu afii rosi
yannara aytano rosatenna rosiisate
harinsho qaaluu assootubbanna hedo
soorrirate gara malaatu afiinninna
qubbichu fidalenni horoonsi'ri.*

Kaa'looshshu Udiinne

- ◆ Baxate/giwate macciishshamme ri-qibbanno malaatta
- ◆ Baxate/giwate macciishshamme leellishshanno misile

Keeno

- ◆ Baxate macciishshammensa busha macciishshammenni bada dandaansa harunsi.
- ◆ Macciishshamme xawissanno malaatta horoonsi'ra dandaansa buuxi.
- ◆ Baxxannorena gibbannore malaatu afiinni xawisansa lai.
- ◆ Baxate/giwate ledo namoontanno albu xawishshuwanna bisu millimmo horoonsi'ra dandaansa buuxi.

Fooliishsho Tonaa Onte

Rosu Mini Hoshsho

Xaphooma Hexxo:

- ◆ Rossino malaatta bhooronsidhanni rosu mini hoshshonsa aana malaatu afinni hasaabbanno.
- ◆ Rossino malaatta marro qolte la'anno .
- ◆ Rosu mini hoshshonsa malaatu afinni xawissanno.
- ◆ Heeshshonsa dandoo bowirsidhanno.

Qeechinoonni yanna: 12 rosu yanna

Amado:

- ◆ Rossino malaatta horoonsidhanninna kaima assiratenni rosu mini hoshsho
- ◆ Rossino malaatta marro la”a
- ◆ Sa’ino gurduwa horoonsi’rate aana xintantino coy fooliishshuwa qineessa
- ◆ Lami-hasaawunna aanti gedenu xawishsha

Agarranni gumi:

- ◆ Rosinsa mini daafira malaatu afinni kultanno.
- ◆ Rosinsa mini su’ma malaatu afinni leellishshanno.
- ◆ Rossino malaatta horoonsidhe rosinsa mini hoshshore kultanno.
- ◆ Rossino malaatta marro qolte la’anno.
- ◆ Sa’ino gurduwa horoonsidhanni coy fooliishshuwa loossanno.
- ◆ Rosu mine rossannoha rosu dana malaatu afinni leellishshanno .
- ◆ Lami-hasaawanna aanti-gedeno xawishsha malaatu afinni kultanno.
- ◆ Godo’lete aanti gedeno harunsa wo’naaltanno.

Shiqishate Hayyo

Asso:

Ballo rosiisaancho, aante noo faarso rosaanote leellannonsa xawishshinninna malaatu afi akata illachishino garinni malaatu afinni faarsinsa.

Banxeemmohehu rosu mininke
 Banxeemmohehu rosu mininke
 Egennote qasowiinni ogimma
 adhineemmohu.
 Baxxino baxilli noonke banxeem-
 mohe
 Horonta dihambeemmohe waatik-
 kira hee'noommo
 Daaraarchikki dare coommano
 guma laalino.
 Egennote lophootto bayira ikkoot-
 to.
 Su'mikki hala'le maccaha ikkino.
 Rosinke mini muxxenna dhaggen-
 niha ikkootto.
 Hagiirru macciishshaminonke
 baxxino gumikkira
 Ilamate lophora albisa ikkootto.
 Ilakki biiffeenna mixokkino jeefo
 gantino.
 Lophokkino luphi yiteenna gumik-
 ki leellino.
 Egennote kuraaze qasse xawisitto.
 Latte daaraaritto coommado guma
 gummisitto.
 Tashshi yinonke addintanni kassi
 yinoommo
 Rosinke mine lophi yinoommo.

Yoonaaasi Mogesi W/Tsaadiqihunni

- ◆ Rosu dana xawissanno malaatta
kultanni egenziisi.
- ◆ Konni albaanni rossino umi aana
malaatu afinni marro qolte la'anno
gede assi.
- ◆ Dhaggete aanti gedeno wodanchitan-
ni waaxunninna gaamotenni ikkite
lami-hasaawa diraamu garinni ma-
laatu afinni shiqishshanno gede assi.
- ◆ Kalanqe loonsannire loossanno gede
jawaachishinsa.
- ◆ Sa'ino gurduwa horoonsidhanni coy

fooliishshuwa loosiisinsa.

- ◆ Rosaano illacha tugate wodanchate
malaattanna laonsa kaajjishshanno
wo'naalsha assitanno gede kaa'linsa.
- ◆ Malaatu afii coy'rate dandoonsa
bowirsidhannonna malaate assitan-
no woyte angansa hoowi raga, anga
fantanno gara, millimmo, suude,
baychonna raga garunni assitanno
gede irkisi/ rosiisi.

Qaagiishsha

*Ballo rosiisaancho, malaatu afii rosi
 yannara aytano rosatenna rosiisate
 harinsho qaalu assootubbanna hedo
 soorrirate gara malaatu afiinninna
 qubbichu fidalenni horoonsi'ri.*

Kaa'looshshu Udiinne

- ◆ Rosu mine xawissanno misile
- ◆ Rosu mini hoshsho millimmonna
assoote leellishshanno misilla xaw-
ishshuwa

Keeno

- ◆ Rosu mine rossanno rosi dana
malaatu afinni woshsha dandaansa
buuxi.
- ◆ Rosu mini hoshshonsa maricho
labbannoro malaatu afinni leellisha
dandaansa harunsi.
- ◆ Rosu mine kiflensa giddo assitanno
millimmo malaatu afinni xawisa
dandaansa buuxi.
- ◆ Rosu dana xawissanno malaatta ho-
roonsi'ransa lai.
- ◆ Malaatu afinni coy'rate dandoonsa
bowirtannonna malaatissanno woyt-
eno angate hoowi raga, anga fantan-
no gara, millimmo, suude, baychun-
na ragu garunni nooro harunsi.